

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 46. sjednici, održanoj 04.03.2016. godine, d o n o s i

ZAKLJUČAK

I.

Usvaja se Izvještaj o implementaciji Akcionog plana provođenja Strategije zapošljavanja Zeničko-dobojskog kantona za 2015. godinu.

II.

Zaključak stupa na snagu danom donošenja.

Broj: 02-_____/16.
Datum, 04.03.2016. godine
Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x Nosioći aktivnosti (putem Ministarstva),
1x Članovi Nadzornog tijela za provedbu
Strategije zapošljavanja (putem Ministarstva),
1x a/a.

**IZVJEŠTAJ O IMPLEMENTACIJI AKCIONOG PLANA
PROVOĐENJA STRATEGIJE ZAPOSŁJAVANJA
ZENIČKO-DOBOJSKOG KANTONA
ZA 2015. GODINU**

Zenica, februar 2016. godine

Programom rada Vlade i Skupštine Zeničko-dobojskog kantona za 2015. godinu predviđena je izrada Izvještaja o implementaciji Akcionog plana za provođenje Strategije zapošljavanja Zeničko-dobojskog kantona za 2015. godinu.

Strategijom zapošljavanja Zeničko-dobojskog kantona za 2015. godinu su definirana 4 strateška cilja, i to:

- Očuvati postojeći nivo zaposlenosti i uložiti napore za njegovo povećanje
- Unaprijediti efikasnost institucionalne strukture na tržištu rada
- Uskladiti ponudu i tražnju na tržištu rada
- Povećati zapošljivosti ranjivih skupina na tržištu rada

Svi prethodno navedeni strateški ciljevi su međusobno usko povezani i sprovođenje svakog od njih u značajnoj mjeri zavisi od uspjeha u provedbi ostalih ciljeva. Unutar svakog strateškog cilja definirani su podciljevi iz kojih proizlaze mjere i aktivnosti kao i nosioci tih aktivnosti.

Članom 6. Odluke o organizaciji i načinu praćenja provedbe Strategije zapošljavanja Zeničko-dobojskog kantona, 2013-2020, koju je 07.08.2013. godine, pod brojem: 02-34-17061/13, donijela Vlada Zeničko-dobojskog kantona, utvrđeno je da će Nadzorno tijelo za provedbu Strategije zapošljavanja jednom godišnje izvještavati Vladu o stepenu realizacije aktivnosti predviđenih Strategijom. Nadzorno tijelo sastoji se od predstavnika Kantona (ministarstava i ostalih organa u sastavu Kantona), Službe za zapošljavanje Zeničko-dobojskog kantona, Privredne komore, Univerziteta u Zenici, REZ Agencije i Udruženja poslodavaca.

Vlada Zeničko-dobojskog kantona Zaključkom broj: 02-34-7168/14 od 03.04.2014. godine usvojila je Akcioni plan provođenja Strategije zapošljavanja Zeničko-dobojskog kantona za period 2013.-2020. godina. Tačkom III. ovog Zaključka utvrđena je obaveza Nosioca aktivnosti da Ministarstvu za rad, socijalnu politiku i izbjeglice dostave pojedinačne izvještaje o stepenu realizacije Akcionih planova provođenja Strategije zapošljavanja za 2014. godinu.

Nakon sumiranja pojedinačnih izvještaja o stepenu realizacije Akcionih planova provođenja Strategije Ministarstvo za rad, socijalnu politiku i izbjeglice Izvještaj je proslijedilo Nadzornom tijelu na razmatranje i saglasnost kako bi Izvještaj bio upućen Vladi Zeničko-dobojskog kantona.

Strategijom zapošljavanja Zeničko-dobojskog kantona za period 2013.-2020. godina predviđeno je da Nosioci aktivnosti u svojim budžetima za 2015. godinu, za implementaciju planiranih aktivnosti za period septembar 2014. – decembar 2015. godine izdvoje određena sredstva. Iako nije bilo moguće planirati u Budžetu Zeničko-dobojskog kantona sva potrebna sredstva za realizaciju aktivnosti iz Akcionog plana za 2015. godinu dio aktivnosti se uspio isfinansirati iz planiranih budžetskih sredstava.

Poredeći broj nezaposlenih osoba na evidenciji JU Služba za zapošljavanje, u decembru 2014. godine broj nezaposlenih je iznosio 70.491 osoba, dok je broj nezaposlenih u decembru 2015. godine iznosio 69.290 osoba, odnosno u 2015. godini je broj nezaposlenih smanjen za 1.201 osobu.

Prema podacima Federalnog zavoda za statistiku, posmatrajući broj zaposlenih u novembru 2015. godine broj zaposlenih iznosio je 72.025 osoba i veći je za 1.385 osoba u odnosu na broj zaposlenih u novembru 2014. godine. Implementacija aktivnosti iz Strategije djelimično je doprinijela pozitivnom trendu kretanja broja zaposlenih i nezaposlenih osoba u posmatranom periodu.

Dio aktivnosti predviđenih Akcionim planom provođenja Strategije zapošljavanja Zeničko-dobojskog kantona za 2015. godinu koje su u fazi realizacije predstavljaju ujedno i aktivnosti koje su pojedini Nosioi aktivnosti započeli u prethodnim godinama i kontinuirano će ih obavljati kao aktivnosti predviđene njihovim programom rada.

Nosioi aktivnosti ističu da je limitirajući faktor za provođenje aktivnosti na implementaciji Strategije zapošljavanja nedostatak kako finansijskih tako i kadrovskih resursa zbog čega pojedine aktivnosti nisu ni započete ili su djelimično implementirane.

Zaključna razmatranja:

- Radi ostvarenja ciljeva definiranih Strategijom zapošljavanja neophodno je u Budžetu Zeničko-dobojskog kantona planirati sredstva predviđena Strategijom zapošljavanja;
- U Programima rada nosilaca aktivnosti potrebno je uvrstiti aktivnosti iz Strategije i opredjeliti dodatna sredstva;
- Preispitati kadrovske mogućnosti nosilaca aktivnosti i po potrebi ojačati iste u svrhu implementacije Strategije;
- S ciljem implementacije Zakona o obrazovanju odraslih na području Zeničko-dobojskog kantona donijeti neophodne podzakonske akte.

Aktivnosti planirane za realizaciju u 2015. godini, sa statusom implementacije, date su u tabelarnom prikazu razvrstane po strateškim i prioritetnim ciljevima.

Strateški cilj A: OČUVANJE POSTOJEĆEG NIVOA ZAPOSLENOSTI I NAPORI ZA NJEGOVO POVEĆANJE							
Prioritetni cilj: A.1. Podrška privrednim subjektima u funkciji zapošljavanja							
Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
A.1.1. Unaprjeđenje ekonomičnosti poslovanja za poslovne subjekte u ZDK	A.1.1.1. Smanjenje opterećenosti poslovanja privrednih subjekata kroz reformu parafiskalnih nameta	Ublažavanje fiskalnog opterećenja malih pravnih lica, obrta i samostalnih radnji	Raspored fiskalnog opterećenja po iskazanom prihodu	Ministarstvo za privredu, Ministarstvo za poljop., šum. i vod., općinska vijeća, Privredna komora	2014 - 2017		Obavljeno prikupljanje podataka po svim općinama i kantonalnim ministarstvima. Predstavnici ZDK su dostavili prijedloge za olakšanje i rasterećenje uslova privređivanja Federalnom ministarstvu finansija. U Reformskoj agendi za period 2015.-2018. utvrđeno je da će svi nivoi vlasti sačiniti (i objaviti) sveobuhvatan popis parafiskalnih nameta u cilju osiguravanja njihove transparentnosti i smanjenja u skladu sa podjelom nadležnosti.
	A.1.1.3. Fleksibilizacija radnih odnosa	Smanjenje broja nezaposlenih, smanjenje sive ekonomije	Broj lica registrovanih na evidenciji SZZ	MRSPI, Ministarstvo rada i socijalne politike FBiH, Vlada FBiH, SZZ, PU	2014-2016	ZDK	Zakon o radu („Službene novine FBiH“ 62/15), objavljen 12.08.2015. godine. Zakon o radu stupio na snagu 20.08.2015. godine. Usklađivanje s međunarodnim radnim standardima.
A.1.2. Subvencioniranje novih zapošljavanja	A.1.2.1. Refundacija dijela plaćenog PDV-a alikvotno prijavljenom br. novozaposlenih	Broj novoprijavljenih zaposlenika na godišnjem nivou	Broj predanih zahtjeva za ref., Broj novoprijavljenih zaposlenih	MRSPI, SSRMP, PU FBiH	2014-2017	ZDK	Nije u fazi realizacije
	A.1.2.2. Refundacija općinskih renti za privredne subjekte koji ostvaruju nova zapošljavanja	Potica zapošljavanju putem refundacije općinske rente za novoizgrađene poslovne objekte	Broj zahtjeva za refundacijom na osnovu broja evidentiranih novozaposlenih	MRSPI, Ministarstvo za privredu, općinska vijeća	2014-2017	općine	Nije u fazi realizacije
	A.1.2.3. Refundacija dijela općinskih taksi za privredne subjekte koji ostvaruju nova zapošljavanja	Povećana zaposlenost u malim preduzećima, samostalnim trgovačkim i zanatskim radnjama i obrtima	Broj podnesenih zahtjeva za refundaciju općinskih taksi, broj novopr. zaposlenih osoba	MRSPI, Ministarstvo za privredu, općinska vijeća	2014-2017	općine	U općini Tešanj za investiciju na zemljištu u privatnom vlasništvu investitor je oslobođen svih taksi i naknada propisanih općinskim odlukama uz ispunjavanje određenih kriterija.

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
A.1.2. Subvencioniranje novih zapošljavanja	A.1.2.5. Podrška programima internacionalizacije preduzeća koja upošljavaju nove zaposlenike	Kratkoročni: povećanje broja izvoznika, Dugoročni: povećanje izvoza i rast zaposlenosti	Broj privrednih subjekata izvoznika iz ZDK, obim izvoza iz ZDK i broj zaposlenih	Ministarstvo za privredu, Privredna komora, UNZE	2014-2016	Budžet ZDK 2015 Procjena 100.000 KM	Subvencioniranje novih zapošljavanja kroz projekte poticaja: 1. Jačanje konkurentnosti: 13 izvoznika - 289.432,80 KM 2. Certifikacija: 12 subjekata - 82.000,00 KM.
	A.1.2.6. Podrška zapošljavanju u green field djelatnostima	Kratkoročni: Rast ulaganja Dugoročni: multiplikativni efekti u ZDK	Visina uložениh sredstava i broj zaposlenih	Ministarstvo za privredu, Min. finansija i MRSPI	2014-2015	Budžet ZDK 2015 Procjena 500.000 KM	Projekti poticaja: 1. Poslovne zone - 2 općine - 12.731,00 KM 2. Novi proizvodni objekti - 12 subjekata - 394.000,00 KM 3. Obrtnici - 6 subjekata - 42.853,93 KM.
Prioritetni cilj:	A.2. Jačati saradnju između privrede, obrazovanja-istraživanja i inovativnih aktivnosti						
A.2.1. Programi saradnje privrede i visokog obrazovanja	A.2.1.1. Pokretanje specijalističkih studija na UNZE prema realnim potrebama privrede u ZDK	Uža specijalizacija	3 nova studijska koncepta II ciklusa	OJ UNZE u saradnji sa privrednim okruženjem	Od septembra 2015. godine	Prema pravilnik u i elaborat u II ciklusa	Odobrenje u toku
	A.2.1.2. Omogućavanje studijskih praksi za studente	Povezivanje studenata sa privredom	Realizovana praksa za 51 studenta	16 firmi iz okruženja	Juni-juli 2015.	Partneri iz privrede	Završeno
	A.2.1.3. Razvoj cjeloživotnog učenja kao faktora podizanja sigurnosti zaposlenja	Stabilizacija zaposlenosti	Broj zaposlenih	UNZE, poslodavci	2014.- kontinuirano	UNZE	Razvoj koncepta
A.2.2. Programi saradnje privrede i inovatorskih udruženja	A.2.2.1. Finansijska podrška za izradu biznis planova za inovatore sa područja ZDK i njihova prezentacija investitorima	Kratkoročni: Diverzifikacija privredne strukture ZDK; Dugoročni: rast zaposlenosti	Porast broja MSP u ZDK za 20 subjekata godišnje , broj zaposlenih	Ministarstvo za privredu, REZ, SSRMP, UNZE, PK, ZEPS	kont. poč. 2014	Budžet ZDK 2015 Procjena 60.000 KM	Projekti poticaja: 1. Izrada biznis plana - 6 lica - 11.741,00 KM 2. realizacija patenata inovatora - 1 inovator - 5.000,00 KM

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
A.2.3. Aktivnije i transparentnije uključivanje u programe EU za kreiranje zaposlenosti	A.2.3.1. Osnivanje koordinacionog tijela za dobijanje sredstva iz fondova EU	Povećanje učešća ZDK na programima EU	Broj podnesenih aplikacija: 53	SSRMP, REZ, UNZE, resorna ministarstva, PKZDK, ZEDA, RAŽ, TRA, RAZ	kontinuirano	ZDK	Kontinuirano se provode aktivnosti koje imaju za cilj povećanje učešća Zeničko-dobojskog kantona na programima EU. Redovno se ažuriraju baze podataka i to: baza podataka o trenutnim projektima koji se implementiraju i baza podataka o prijedlozima projektnih ideja koji su predati na razmatranje potencijalnim donatorima. Pregled broja finaliziranih i podnesenih aplikacija po partnerima za implementaciju dat je u pregledu koji slijedi: SSRMP je u 2015. godini, u saradnji sa brojnim partnerima iz zemalja EU, učestvovala u direktnoj pripremi ukupno 39 projektnih ideja kroz Programe podrške EU: Od ukupno 39 projektnih ideja, podnešeno je 29 aplikacija. REZ je u 2015. godini finalizirala i podnijela ukupno 10 aplikacija; PKZDK je u 2015. godini finalizirala i podnijela ukupno 4 aplikacije; ZEDA je u 2015. godini finalizirala i podnijela ukupno 3 aplikacije; RAŽ je u 2015. godini finalizirala i podnijela ukupno 4 aplikacije; TRA je u 2015. godini finalizirala i podnijela ukupno 3 aplikacije;
	A.2.3.2 Jačanje saradnje sa naučnom i poslovnom dijasporom ZDK u svrhu većeg uključivanja u programe EU	Povezivanje sa privrednom i akademskom dijasporom	Broj naučnih konferencija sa učešćem članova akademske zajednice dijaspore, broj	Privredna komora, Min. za privredu, UNZE, SSRMP, ZEPS, Min.za ljudska prava i izbjeglice BiH	kont, poč. 2014	ZDK	Nije u fazi realizacije

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
Prioritetni cilj: A.3. Razvoj preduzetničke kulture i vještina							
A.3.1. Edukacija za postojeće preduzetnike	A.3.1.1. Stjecanje kompetencija i znanja potrebnih za uspješnu internacionalizaciju poslovanja	Unapređenje poduzetničkih vještina i znanja potrebnih za uspješnu internacionalizaciju poslovanja kompanija ZDK	Broj preduzeća koja su prošla kroz program internacionalizacije (treninzi i poslovna savjetovanja), broj zaposlenih	Privredna komora, UNZE, REZ, SSRMP	2014-2017	ZDK	Nije u fazi realizacije
	A.3.1.2. Organizovanje edukacije iz oblasti pisanja poslovnih planova u funkciji razvoja poslovne djelatnosti	Unapređenje poduzetničkih vještina i naponi za povećanje zaposlenosti	Organizovana radionica	Ministarstvo za privredu, REZ, UNZE, Privredna komora	2015	ZDK	Privredna komora organizirala Radionice na temu: "Priprema projekata za učešće na Sarajevo Business forum 2015. godine" i "Kako napisati dobar Projekat za finansiranje istrazivackoinovacijskih programa EU - HORIZON 2020"
A.3.2. Promocija poduzetništva u visokom obrazovanju	A.3.2.1. Uvođenje poduzetništva kao nastavnog predmeta na sve fakultete u sastavu UNZE	Povećanje preduzetničkih osobina kod studenata	3	CIP UNZE, JumboGroenewegen/BME	U toku oba semestra	CIP UNZE, JumboGroenewegen/BME	U implementaciji
A.3.2. Promocija poduzetništva u visokom obrazovanju	A.3.2.2. Organizovanje radionica za studente završnih godina UNZE o osnivanju vlastitog biznisa	Ostvarenje uslova za realizaciju ideje	3 radionice	IDEALab – centar za realizaciju studentskih ideja	kontinuirano	TEMPUS projekt	Pripreme izvršene U toku opremanje, radionice uspješne
A.3.3. Promocija poduzetništva u srednjem obrazovanju	A.3.3.1. Uvođenje poduzetništva kao obaveznog predmeta u srednjim školama	Uveden predmet poduzetništvo u srednje stručne škole	Broj izmijenjenih nastavnih planova u srednjim školama sa poduzetništvom kao obaveznim predmetom	MONKS, Pedagoški zavod, UNZE	2014-2015	BUDŽET ZDK	Pedagoški zavod je 2014. uradio analizu nastavnih planova i programa srednjih stručnih škola s ciljem uvođenja Poduzetništva kao obaveznog predmeta u sva postojeća zanimanja u srednjim stručnim školama. Na bazi podataka iz Analize Pedagoškog zavoda, Ministarstvo provodi aktivnosti finansijskih procjena uticaja uvođenja Poduzetništva kao obaveznog predmeta na povećanje zahvatanja iz Budžeta kako bi se donijela finansijski provodljiva odluka. Aktivnosti u toku.

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
A.3.3. Promocija poduzetništva u srednjem obrazovanju	A.3.3.2. Obuka nastavnog osoblja ekonomske grupe predmeta	Obučeno nastavno osoblje	Broj educiranog nastavnog osoblja	MONKS, Pedagoški zavod, UNZE	2015 šest mj.	BUDŽET ZDK	Pedagoški zavod vrši pripreme aktivnosti vezano za provođenje obuke iz poduzetništva. U tom smislu aktivno je uključen u kreiranje obuke za integraciju poduzetničke kompetencije u školsko učenje. Provođenju obuke nastavnog osoblja ekonomske grupe predmeta pristupiće se nakona donošenja odluke Ministarstva o uvođenju Poduzetništva kao obaveznog predmeta.
Prioritetni cilj: A.4. Poticaji samozapošljavanju							
A.4.1. Osiguranje dijela rizika za nove poslovne poduhvate	A.4.1.2. Finansiranje osnovnog kapitala (do 2.000 KM) i doprinosa za lica ovlaštena za zastupanje novoosnovanih poslovnih subjekata u periodu od dvije godine	Poticaj osnivanja novih poslovnih poduhvata	Broj novoosnovanih d.o.o. i obrta godišnje prema općinskim i sudskim evidencijama	MRSPI, SSRMP, Ministarstvo privrede ZDK, općinski sudovi, SZZ	2014-2017	ZDK	Sufinansiranje doprinosa za samozapošljavanje: -Krajem 2015. godine objavljen je Javni poziv za učešće u Programu sufinansiranja zapošljavanja i samozapošljavanja u oblasti poljoprivrede koji provodi Služba za zapošljavanje Zeničko-dobojskog kantona -(u toku razmatranje aplikacija i zaključivanje ugovora) -Program samozapošljavanja Start up 2015 - (u 2015. godini zaključeno 65 ugovora i zaposlene 82 osobe); -Sufinansiranje samozapošljavanja kroz projekt Podrška mrežama socijalne sigurnosti i zapošljavanja (SSNESP) - (u 2015. g. 30 osoba samozaposleno i 18 zaposleno)
A.4.2. Program poduzetničke obuke za kategorije dugoročno nezaposlenih lica	A.4.2.1. Obuka zainteresovanih dugoročno nezaposlenih lica za osnivanje i vođenje mikro biznisa	Obuka za osnivanje i vođenje mikro biznisa	100-200 osoba godišnje	Služba za zapošljavanje ZDK, REZ, UNZE	2015-2018	FZZZ i SZZ ZDK	Nije u fazi realizacije
A.4.3. Program promocije samozapošljavanja kao načina zapošljavanja	A.4.3.1. Promocija samozapošljavanja kao načina zapošljavanja stanovnika	Promocija samozapošljavanja	-4 provedene kampanje	MRSPI, REZ, SSRMP	2015-2019	ZDK	Nije u fazi realizacije

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
Strateški cilj B: UNAPREĐENJE EFIKASNOSTI INSTITUCIONALNE STRUKTURE NA TRŽIŠTU ZDK							
Prioritetni cilj: B.1. Unaprijediti posredovanje na tržištu rada							
B.1.1. Informatizacija na tržištu rada	B.1.1.1. Primjena Zakona o slobodnom pristupu informacijama	Primjena Zakona	Broj objavljenih informacija	Služba za zapošljavanje ZDK, MRSPI	2014 kontinuirano	SZZ ZDK	JU Služba za zapošljavanje ZDK je obavezna postupati po podnesenim zahtjevima od strane fizičkih i pravnih lica u skladu sa Zakonom o slobodi pristupa informacijama u Federaciji BiH, što u kontinuiranoj aktivnosti to i čini, pridržavajući se i odredaba Zakona o posredovanju u zapošljavanju i socijalnoj sigurnosti nezaposlenih osoba, kao i Zakona o zaštiti ličnih podataka BiH.
	B.1.1.2. Razvoj web portala Službe za zapošljavanje ZDK po uzoru na KS i EURES	Povećan protok informacija na tržištu rada	Uspostavljen funkcionalan web portal	Služba za zapošljavanje ZDK	2015	SZZ ZDK i drugi partneri	Web portal je pušten u rad i u fazi je testiranja naprednih funkcionalnosti, a nalazi se na linku: http://zdk-szz.ba . Na web stranici nalaze se sve aktuelne novosti, oglasi na upražnjena radna mjesta, sve informacije o Službi, legislativa, statistika od 2006. godine, kao i informacije od koristi nezaposlenim osobama i poslodavcima. U narednom periodu planirano je omogućavanje registracije nezaposlenih osoba i poslodavaca, pretraživanje podataka iz evidencije nezaposlenih osoba, unos biografija za nezaposlene osobe kao i oglasa za poslodavce.
B.1.2. Ostvarivanje internih ušteda i veće efikasnosti	B.1.2.1. Evaluacija postojećih programa podrške zapošljavanju	Uvođenje evaluacije kao standardne procedure	Udio broja provedenih evaluacija u ukupnom broju projekata	MRSPI, Individualni evaluatori i udruženja za monitoring i evaluaciju	2014 kontinuirano	ZDK	Urađena interna evaluacija Programa sufinansiranja zapošljavanja mladih nezaposlenih osoba pripravnika VSS 2013/2014. godina, finansiranog od strane Vlade ZDK. Od ukupno 105 sufinansiranih osoba sa VSS u periodu 2013.-2014. godina, njih 43 ili 40,95% ostalo je u radnom odnosu, tj. ne nalaze se na evidenciji nezaposlenih osoba. U periodu 2010.-2013. od 467 sufinansiranih osoba njih 257 ili 55,32% je ostalo u radnom odnosu.
	B.1.2.2. Analiza efikasnosti rada organizacija/službi/agencija za posredovanje na tržištu rada u ZDK	Razmatranje efikasnosti u radu ustanova za posredovanje	Izrađena analiza efikasnosti	Služba za zapošljavanje ZDK, MRSPI, srodne službe u FBiH i EU	2014	SZZ ZDK	Služba za zapošljavanje ZDK u okviru svojih stalnih zadataka vrši kontrolu programa iz aktivne politike zapošljavanja od strane Odjeljenja interne revizije Službe.

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
	B.1.2.3. Redefinisanje uslova i kontrola njihove ispunjenosti za prava po osnovu nezaposlenosti	Smanjenje broja nezaposlenih i povećanje internih ušteda	Broj dugoročno nezaposlenih osoba	Služba za zapošljavanje ZDK, nadležni zakonodavni organi	2014 kontinuirano	SZZ ZDK i MRSPI	Izmjenama i dopunama Zakona o zdravstvenom osiguranju FBiH tj. izmještanjem servisiranja zdravstvenog osiguranja iz Službi, odnosno biroa uveliko bi se smanjio broj nezaposlenih osoba, a samim time bi se i smanjili troškovi izdataka za te namjene tako da bi se ta sredstva preusmjerila u programe zapošljavanja. Isto tako, izmjenama Zakona o posredovanju u dijelu koji se odnosi na novčanu naknadu, smanjili bi se izdaci za te namjene.
B.1.2. Ostvarivanje internih ušteda i veće efikasnosti	B.1.2.4. Korištenje dobrih praksi drugih službi za zapošljavanje i biroa rada	Unaprjeđenje djelotvornosti Službe i biroa rada	Broj obavljenih radnih posjeta drugim sličnim ustanovama u FBiH i BiH	Služba za zapošljavanje ZDK, slične službe u FBiH i regiji	2014-2020	SZZ ZDK i drugi partneri	Nije u fazi realizacije
	B.1.2.5. Testiranje novih aktivnih mjera na tržištu rada kroz pilot projekte	Provjera očekivanih rezultata predviđenih projekata	3 pilot projekta	Služba za zapošljavanje ZDK, MRSPI, REZ, udruženja poduzetnika, SSRMP, UNZE	2014-2020	FZZZ, SZZ ZDK i drugi partneri	U 2015. godini, kroz programe FZZZ-a finansirana su slijedeći Programi: Jačanje konkurentnosti na tržištu rada - Prvo radno iskustvo, Prilika za sve, Sufinansiranje sezonskog zapošljavanja, Sufinansiranje zapošljavanja teško zapošljivih osoba - Vaučer za posao, Javni radovi, Start up (samozapošljavanje i zapošljavanje). Kroz navedene programe do danas finansirano je zapošljavanje oko 1.652 nezaposlenih osoba. Očekuje se zapošljavanje nezaposlenih osoba kroz još dva Programa FZZZ, i to samo/zapošljavanje u poljoprivredi i samo/zapošljavanje Roma.
Prioritetni cilj: B.2. Osnažiti socio-ekonomski dijalog							
	B.2.1.2. Stalno razmatranje inicijativa pristiglih od strane socijalnih partnera	Susreti i razgovori socijalnih partnera	15 održanih sjednica i drugih oblika komunikacije	MRSPI, Privredna komora ZDK, sindikat, UNZE	kontinuirano	ZDK	Razmatrane inicijative i započete realizacije projekata po istim, a vezano za sufinansiranje zapošljavanja 102 VSS pripravnika, sufinansiranje obuke i otvaranja novih radnih mjesta u 5 firmi u ZDK kroz projekat GOLD.

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
B.2.1. Otvaranje dijaloga o zaposlenosti	B.2.1.3. Kampanja za proširenje formalnog sektora privrede	Povećanje zaposlenosti, smanjenje nezaposlenosti i promjena svijesti građana u pogledu neformalnog sektora	Broj zaposlenih/nezaposlenih, broj registr. privr. subjekata i smanjenje neformalnog sektora	Ministarstvo za privredu, REZ, UNZE	2014-2016	ZDK	Nije u fazi realizacije
	B.2.1.4. Diseminacija rezultata provedbe Strategije zapošljavanja	Jačanje socio-ekonomskog dijaloga	Broj objavljenih informacija o provedbi Strategije	MRSPI, Press služba Vlade ZDK	kontinuirano	ZDK	Na web stranici Zeničko-dobojskog kantona kontinuirano su objavljivane informacije o započetoj realizaciji pojedinih aktivnosti vezanih za Strategiju zapošljavanja. Informiranje javnosti u printanim i elektronskim medijima o započetim aktivnostima.
Prioritetni cilj: B.3. Poboljšati rad inspekcijskih službi							
B.3.1. Boriti se protiv sive ekonomije	B.3.1.2. Intenzivniji rad inspekcijskih službi na terenu	Smanjenje broj lica bez regulisanog radno-pravnog statusa, povećana stopa zaposlenosti, smanjen broj neregistrovanih privrednih subjekata	Izvršen 1951 inspekcijski nadzor, 494 novoprijavljena zaposlena	Kantonalna uprava za inspekcijske poslove, MUP ZDK	2014-2017	ZDK	Nadležna inspekcija je do 14.12.2015.godine izvršila 1951 inspekcijski nadzor, sa akcentom na suzbijanje i smanjenje tzv. "sive ekonomije". Tokom navedenih inspekcijskih nadzora poduzete su 273 korektivne mjere u vidu rješenja i 170 prekršajnih naloga i 6 zahtjeva za pokretanje prekršajnog postupka u vidu represivnih mjera. Poduzimanjem gore navedenih mjera, zasnovalo je radni odnos 494 lica, što je ujedno bio primaran cilj ove inspekcije. Tokom 2015.godine evidentirani su i recidivisti, odnosno povratnici u prekršaju, protiv kojih je pokrenuto 4 zahtjeva za pokretanje prekršajnog postupka i 33 prekršajna naloga. Ovi rezultati su postignuti premda ova inspekcija radi sa 1 izvršiocem (inspektorom) manje u odnosu na prošlu godinu.

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
B.3.2. Kontrola formalne ekonomije	B.3.2.1. Kontrola zakonitosti primanja i opravdanosti razloga otpuštanja sa posla	Rasterećenje službe za zapošljavanje, efikasniji rad nadležne inspekcije za rad, službe za zapošljavanje i porezne uprave	547 osoba zatečeno u radu na crno	Kantonalna uprava za inspekcijske poslove, poslodavci, SZZ, MRSPi	2014-2016	ZDK	Nadležna inspekcija rada je do 14.12.2015.godine zaprimila 230 predstavlki, od kojih se manji dio odnosi na otkaze ugovora o radu i u kojim inspekcija rada shodno presudi Vrhovnog suda FBiH, broj: u-1272/00 od 05.02.2004.godine, nije nadležna, jer ne može upravnom mjerom ulaziti u obligacioni odnos, kao isključivu sudsku nadležnost. Inspekcija rada je redovno svaki mjesec slala službi za zapošljavanje spiskove lica koje je zatekla na radnom angažmanu suprotno Zakonu, čiji je zadatak bio brisanje istih sa evidencije nezaposlenih osoba. Nadležna inspekcija rada je do 01.12.2015.godine poslala spiskove Službi za zapošljavanje za ukupno 547 lica koji su zatečeni na radnom angažmanu suprotno zakonu.
	B.3.2.2. Kontrola primjene pravila o zaštiti na radu	Smanjenje broja lica koja upućuju zahtjev za invalidsku penziju, smanjenje broja prijavljenih povreda na radu	Broj lica koja upućuju zahtjev za invalidskom penzijom, broj povreda na radu	Kantonalna uprava za inspekcijske poslove, poslodavci, MRSPi	2015-2017	ZDK	Nadležna inspekcija zaštite na radu do 14.12.2015.godine izvršila 410 inspekcijskih nadzora, te izdala 16 prekršajnih naloga i 5 zahtjeva za pokretanje prekršajnog postupka, te je poduzela 148 korektivne mjere u vidu rješenja. Pored inicijative zakonska regulativa nije riješena, te su toga sve korektivne i represivne mjere donesene u skladu sa važećim zakonskim propisima.
Strateški cilj C: DUGOROČNO USKLAĐIVANJE PONUDE I TRAŽNJE NA TRŽIŠTU RADA ZDK							
Prioritetni cilj: C.1. Unaprijediti sistem srednjoškolskog obrazovanja i obuke							
C.1.1. Reforma u nastavno-obrazovnom procesu srednjih škola	C.1.1.1. Inoviranje nastavnih planova i programa u srednjim školama	Inovirani nastavni planovi i programi	Broj inoviranih nastavnih planova i programa	MONKS, pedagoški zavod, srednje škole	2014-2020	ZDK	Kontinuirano se vrše analize nastavnih planova i programa u srednjem stručnom obrazovanju. U 2015. godini izvršene su izmjene i dopune NPP-a u segmentu profila i stručne spreme nastavnika koji mogu izvoditi nastavu općeobrazovnih predmeta. Također, urađena je i dopuna nastavnih planova i programa razvijenih primjenom modularne metodologije za porodicu zanimanja poljoprivreda i prerada hrane u segmentu profila i stručne spreme.

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
C.1.2. Podrška održivom zapošljavanju kroz obrazovanje i obuku	C.1.2.1. Trening i obuka novih zaposlenih prema potrebama poslodavca kroz program poslovnog mentorstva	Organizovana "tailor made" edukacija prema potrebama poslodavca	350 učesnika u programima	REZ, MRSPI,SZZ, Pedagoški zavod ZDK, Univerzitet u Zenici,	2014-2017	ZDK	Sufinansirana obuka za 60 osoba za zanimanje radnici na izradi žičanih formi za električne instalacije, 263 osobe za zanimanje tekstilni tehničar, 27 osoba za zanimanje obučenar. Po završetku obuke izvršeno zapošljavanje obučanih osoba.
	C.1.2.4. Upisna politika za srednjekoškolsko obrazovanje	Efikasnija upisna politika	Izmjena upisne politike	MONKS, Pedagoški zavod, Min. za privredu, MRSPI, UNZE, Privredna komora	2015	ZDK	Ostvarena saradnja sa zainteresiranim društvenim partnerima. Realizirano više okruglih stolova u okviru različitih projekata. Aktivnosti u toku.
Prioritetni cilj: C.2. Povećati mobilnost radne snage							
C.2.1. Podizanje svijesti o važnosti mobilne radne snage	C.2.1.1. Kampanja o mobilnosti radne snage u svrhu podizanja svijesti	Mobilnost radne snage	Promjena prebivališta osoba u ZDK u dobi 19-64	MRSPI,REZ, NVO, SZZ	kontinuirano	ZDK	Okrugli sto i prezentacija o pasošu kompetencija koji je projekat GIZ-a, Sajam zapošljavanja Zenica 2015
	C.2.1.2. Izrada projekcija o stanju zaposlenosti i budućim kretanjima u ZDK	Olakšan ulazak na tržište rada	Broj zaposlenih nakon završenog obrazovanja	Služba za zapošljavanje ZDK, UNZE, Udruženja poslodavaca, FZZZ	kontinuirano	FZZZ i SZZ ZDK	Kontinuirana aktivnost kroz izradu mjesečnih izvještaja biroa rada sa posebnim osvrtom posjetama poslodavcima o stanjima na tržištu rada, kao i profesionalnog informisanja učenika završnih razreda osnovnih i srednjih škola.
Prioritetni cilj: C.3. Pomoć u traženju posla							
C.3.1. Proljetni sajam zapošljavanja	C.3.1.1. Organizacija sajma zapošljavanja	Povećanje broja zaposlenih	Broj ostvarenih kontakata na sajmu	Služba za zapošljavanje ZDK, ostale zainteresovane strane	kontinuirano	SZZ ZDK i drugi partneri	Kontinuirana aktivnost kao i prethodnih godina, i u 2015. godini Služba je organizovala Sajam zapošljavanja 2015 Zenica, na kojem je bilo prisutno 60 poslodavaca sa iskazanim potrebama za 924 radna mjesta. Na sajmu je bilo prisutno i 1.750 nezaposlenih osoba.
C.3.3. Mobilni tim za traženje posla	C.3.3.1. Uspostava mobilnog tima za pomoć u traženju posla	Povećan broj aplikacija na poslove koji se nude	Broj prijavljenih kandidata na poslove	Služba za zapošljavanje ZDK, općinski biro rada	2014-2017	SZZ ZDK	Nije u fazi realizacije

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
Strateški cilj D: POVEĆANJE ZAPOS LJIVOSTI RANJIVIH SKUPINA NA TRŽIŠTU RADA ZDK							
Prioritetni cilj: D.1. Unaprijediti radne vještine i izgleda za zapošljavanje ranjivih skupina							
D.1.1. Edukacija i obuka za ranjive skupine na tržištu rada	D.1.1.1. Razvoj programa obuke za pripadnike ranjivih skupina	Poboljšanje radnih vještina	350 završenika obuke iz ranjivih skupina na tržištu rada	REZ, MRSPI, FZZ, Pedagoški zavod, UNZE, Privredna komora	2015	ZDK	Organizacija, dizajn i implementacija programa obuke radne snage za određenu grupu pojedinaca koji će naknadno dobiti zaposlenje u pet preduzeća u privatnom sektoru ("Alma Ras" d.o.o. Visoko, "Sinerga" d.o.o. Visoko, "ZIKO" d.o.o. Zavidovići, "Excel Assemblies" d.o.o. Maglaj, "HM Promet "d.o.o Maglaj).
D.1.1. Edukacija i obuka za ranjive skupine na tržištu rada	D.1.1.3. Veće uključivanje osoba iz ranjivih skupina u obrazovni sistem	Edukacija za ranjive skupine	Broj osoba iz ranjivih skupina uključenih u obrazovanje	MONKS, Pedagoški zavod, REZ, NVO, UNZE	2014-2018	ZDK, PROJEKT I	Studentima romske populacije i osobama sa invaliditetom preko 70% obezbijeđeno pravo na bezuvjetnu dodjelu stipendija prvog i drugog ciklusa studija, pravo na bezuvjetan upis u statusu redovnih studenata koje finansira Osnivač, omogućen bezuvjetan prijem u studentske domove i oslobođeni su plaćanja određenih participacija tokom studiranja. Obezbeđena sredstva za angažman volontera kao vid podrške nastavnicima koji u svojim odjeljenjima imaju učenike iz ranjivih skupina, a naročito akcenat je dat na rad sa učenicima sa posebnim odgojno-obrazovnim potrebama. U saradnji sa NVO realizirani su seminari za nastavnike osnovnih škola sa područja Kantona, s ciljem podizanja nivoa stručnih kompetencija nastavnika u smislu preduzimanja preventivnih mjera za sprečavanje pojava napuštanja osnovne škole i neredovnog pohađanja nastave od strane djece romske populacije. Također, u saradnji sa NVO održano je više roditeljskih sastanaka i individualnih razgovora sa roditeljima u cilju promoviranja značaja redovnog pohađanja nastave i obrazovanja uopće.
	D.1.1.4. Obezbijediti konsultacije, karijerno vođenje za pronalaženje zaposlenja za ranjive grupe	Poboljšani izgledi za zapošljavanje pripadnika ranjivih skupina	120 održanih konsultacija i karijernih savjetovanja	Služba za zapošljavanje ZDK, centri za socijalni rad	2014-2017	SZZ ZDK	Kontinuirana aktivnost, koja se provodi kroz Centar za informisanje, savjetovanje i obuku, Job Club u Kaknju, Pasoš kompetencija. Svrha navedenih Projekata je da nezaposlenim osobama, koje aktivno traže posao, pomognu u pronalaženju zaposlenja.

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
D.1.2. Posebni programi podrške za ranjive skupine	D.1.2.1. Podržati učešće NVO sektora u kreiranju i isporuci usluga ranjivim skupinama	Učešće NVO sektora u isporuci usluga za osobe iz ranjivih skupina	Broj realizovanih programa i projekata od strane NVO	MRSPI, Služba za zapošljavanje, Centri za socijalni rad	2014-2018	ZDK	Služba, kroz svoje redovne aktivnosti, nastoji da u što više njih uključi i NVO sektor. Dobar primjer za to su uključivanje NVO sektora u proces organizacije Sajma, inicijativa za izmjenu Zakona o posredovanju u zapošljavanju sa CCI, itd.
	D.1.2.3. Kampanja jednakih mogućnosti za sve učesnike na tržištu rada	Izgrađena svijest kod poslodavca i zaposlenika o jednakosti na tržištu rada	Broj lica prijavljenih na evidenciju službe za zapošljavanje koji pripadaju nekoj od ranjivih grupa.	MRSPI, Služba za zapošljavanje, NVO	2015-2017	ZDK	Kroz sve programe zapošljavanja, poseban akcenat se stavlja na ranjive kategorije, kao što su: dugoročno nezaposlene osobe, osobe sa nvaliditetom, članovi šehidskih porodica ili porodica poginulih branitelja, žrtve nasilja, liječeni ovisnici itd. Osim toga, za pojedine ranjive kategorije, kao što su Romi, kreiraju se i posebni programi.
Prioritetni cilj: D.2. Direktna i indirektna podrška zapošljavanju ranjivih skupina							
D.2.1. Rad u zajednici za osobe sa niskim radnim vještinama	D.2.1.1. Planirati javne nabavke uz maksimalno korištenje nezaposlenih osoba	Sezonsko zapošljavanje osoba niske zapošljivosti	191 osoba zaposlena putem Službe	MRSPI, Ministarstvo finansija, Kabinet Premijera ZDK, Služba za zapošljavanje ZDK, općine u ZDK	2015-2018		Program javnih radova FZZZ-a u 2015. godini koji se realizuje putem Službe imaju za cilj uključivanje nezaposlenih osoba u proces sanacije šteta nastalih od poplava iz maja 2014. godine. Kroz ovaj program finansirano je zapošljavanje 191 nezaposlene osobe.
	D.2.1.2. Sezonski poslovi na uređenju i održavanju javnih površina, čišćenju, putem javnih preduzeća	Rast zaposlenosti	122 zaposlene osobe	MRSPI, Ministarstvo za privredu, Javna preduzeća za održavanje čistoće	2014-2018	ZDK	Program sezonskog zapošljavanja FZZ-a koji se realizuje putem Službe. Kroz ovaj programe finansirano je zapošljavanje oko 122 nezaposlene osobe.

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
D.2.2. Sufinansiranje zapošljavanja ranjivih skupina	D.2.2.1. Programi finansiranja zapošljavanja i samozapošljavanja ranjivih skupina na tržištu rada	Direktna i indirektna podrška zapošljavanju lica iz ranjivih skupina	2.093 lica korisnika direktne i indirektna pomoći	Služba za zapošljavanje ZDK, centri za socijalni rad	2014-2017	FZZZ i SZZ ZDK	Kroz sve programe zapošljavanja (period sufinansiranja od 3 - 12 mjeseci), poseban akcenat se stavlja na ranjive kategorije. Programi FZZ-a: Jačanje konkurentnosti na tržištu rada - Prvo radno iskustvo, Prilika za sve, Sufinansiranje sezonskog zapošljavanja, Sufinansiranje zapošljavanja teško zapošljivih osoba - Vaučer za posao, Javni radovi, Start up (samozapošljavanje i zapošljavanje). Jedan od programa je i Program Vlade ZDK sufinansiranje zapošljavanja mladih osoba - VSS pripravnika (u 2015. godini 102 osobe-480.000 KM). Za pojedine ranjive kategorije, kao što su Romi, kreiraju se i posebni programi.

Popis akronima:

ZDK	Zeničko-dobojski kanton
MRSPI	Ministarstvo za rad, socijalnu politiku i izbjeglice Zeničko-dobojskog kantona
MONKS	Ministarstvo za obrazovanje, nauku, kulturu i sport Zeničko-dobojskog kantona
SZZ	JU Služba za zapošljavanje Zeničko-dobojskog kantona
FZZZ	Federalni zavod za zapošljavanje
SSRMP	Stručna služba za razvoj i međunarodne projekte
PK	Privredna komora Zeničko-dobojskog kantona
REZ	Regionalna ekonomska zajednica - REZ Zenica
UNZE	Univerzitet u Zenici
NVO	Nevladine organizacije
ZEDA	Agencija za ekonomski razvoj Zenica
TRA	Agencija za razvoj općine Tešanj
RAŽ	Razvojna agencija Žepče
RAZ	Razvojna agencija Zavidovići
PU	Porezna uprava

Ministarstvo za rad, socijalnu politiku i izbjeglice

Ministar

Mjera	Aktivnost	Očekivani rezultat	Indikator	Nosioci aktivnosti i partneri za implementaciju	Period	Izvor finansiranja	Status implementacije
D.2.2. finansiranje zapošljavanja ranjivih skupina	D.2.2.1. Programi finansiranja zapošljavanja i samozapošljavanja ranjivih skupina na tržištu rada	Direktna i indirektna podrška zapošljavanju lica iz ranjivih skupina	2.093 lica korisnika direktne i indirektno pomoći	Služba za zapošljavanje ZDK, centri za socijalni rad	2014-2017	FZZZ i SZZ ZDK	Kroz sve programe zapošljavanja (period sufinansiranja od 3 - 12 mjeseci), poseban akcenat se stavlja na ranjive kategorije Programi FZZ-a: Jačanje konkurentnosti na tržištu rada - Prvo radno iskustvo, Prilika za sve, Sufinansiranje sezonskog zapošljavanja, Sufinansiranje zapošljavanja teško zapošljivih osoba - Vaučer za posao, Javni radovi, Start up (samozapošljavanje i zapošljavanje). Jedan od programa je i Program Vlade ZDK sufinansiranje zapošljavanja mladih osoba VSS pripravnika (u 2015. godini 102 osobe-480.000 KM).Za pojedine ranjive kategorije, kao što su Romi, kreiraju se i posebni programi.

Popis akronima:

ZDK	Zeničko-dobojski kanton
MRSPI	Ministarstvo za rad, socijalnu politiku i izbjeglice Zeničko-dobojskog kantona
MONKS	Ministarstvo za obrazovanje, nauku, kulturu i sport Zeničko-dobojskog kantona
SZZ	JU Služba za zapošljavanje Zeničko-dobojskog kantona
FZZZ	Federalni zavod za zapošljavanje
SSRMP	Stručna služba za razvoj i međunarodne projekte
PK	Privredna komora Zeničko-dobojskog kantona
REZ	Regionalna ekonomska zajednica - REZ Zenica
UNZE	Univerzitet u Zenici
NVO	Nevladine organizacije
ZEDA	Agencija za ekonomski razvoj Zenica
TRA	Agencija za razvoj općine Tešanj
RAŽ	Razvojna agencija Žepče
RAZ	Razvojna agencija Zavidovići
PU	Porezna uprava



Ministarstvo za rad, socijalnu politiku i izbjeglice

Ministar